

lvi.

Testament de noble hercules de sers

Au nom de dieu soit sachent tous presens et advenir
que ce()jourduy **vingt sixiesme** du mois de **febvrier an mil six
cens dix** avant midy dans la ville de **th(ou)l(ouse)** et **tout au pres l eglise
du taur** soubz le regne de n(ot)re souverain prince henry quatrie(me)
de ce nom par la grace de dieu roy de france et de navarre
pardevant moy not(aire) et tesmoins bas nommes constitue
en sa personne noble **hercules de sers sieur de la bornerie et
del castera** habitant dud(it) th(ou)l(ouse) lequel **estant sur le point
de f(air)e ung voyage en picardie** pour voir l estat de sa compagnie
q(u'i)l a entretenue au regiment de navarre et en **la ville de
montrulh** desirant pourvoir aux aff(air)es de sa maison a
ordonne son testament comme s ensuit premierement
a faict le signe de la croix disant au nom du pere du fils
et du saint esprit amen a recomande et du tout resigné son
ame a dieu le pere le priant qu'il luy plaise avoir pitié de
son ame et la collocquer en son saint paradis lhors de la
sepa(rati)on d'icelle d'avec son corps et ce par le merite de la mort
et passion de son filz unicque no(tr)e seigneur et()redempteur
jesus christ et par l intercession de la glorieuze vierge marie
saintz et saintes de paradis / et pour ses honneurs feunebres
s'en remet a la discretion de damoyselle jeane de la bornerie
sa femme / donne et legue led(it) s(ieu)r testateur a nobles
estienne et()jean pierre de sers ses enfans / leurs
legitimes a ch(ac)ung d'iceulx telles que de droit et
moyennant ce les a institues ses hoirs par(ticuli)ers et
par ce que le chef et fondement de tous testamens est
l()institu(ti)on hereditaire et que sans icelle tous testamens
sont ditz invalables a ceste cause led(it) sieur testateur
en tous et ch(ac)ungs ses au(tr)es biens tant meubles que

.....
immeubles droitz voix et actions generalmente quelsconques
a faicte et institue son hoire universelle et generale et de
sa bouche l a nommee et surnommee scavoir est la
susd(ite) damoyselle jeane de la bornerie sa femme a la charge
de paier les charges hereditaires et de randre et()restituer
sad(ite) heredite a tel de sesditz enfans que bon luy semblera lequel
heretier lad(ite) la bornerie pourra eslire et nommer et
l ayant esleu et nommé pourra varier en lad(ite) eslection et
nomina(ti)on jusques au jour de son deces / et au cas elle viendroit
a deceder sans avoir faicte lad(ite) eslection et nomination veult
et ordonne d'hores et desja que led(it) estienne de sers l un de
sesdits enfens soit appelle a lad(ite) heredite et venant icelluy
a deceder sans enfans ou filhes procrees de son legitime mariage

luy substitue led(it) jean pierre ou ses enfens pour en f(air)e a ses
volontes et au cas lad(ite) la bornerie seroit enceinte de
masle ou]fē[masles filhe ou filhes en ce cas]veult[led(it)
s(ieu)r testateur leur donne et legue leur ou leurs legitimes /
telle que de droit comme aus susd(its) et au cas co(mm)e dit est
seroit masle ou masles et que les susd(its) estienne et ()jean
pierre decederoient sans enfens ou filhes veult que sesd(its)
biens et heredite apartien(ent) aud(it) postume ou postumes / et
sy c()est filhe ou filhes co(mm)e dit est et que tous sesd(its) enfens
viennent a deceder sans enfens ou filles leur substitue
lesd(ites) filhe ou filhes po(ur) en dispozer en la vie et en la mort
et ce dessus a dit estre son der(ni)er et valable testament
lequel veult avoir force de testament et de donna(ti)on
a cause de mort ou de codicille et tout autrement en la
meilheure forme q(u'i)l pourra valoir de droit cassant
et annullant tous autres testamens et disp(ositions) q(u'i)l
pourroit avoir faictes par sy devant en foy de quoy
c'est soubzsigne en presances de m(aîtr)e guill(aume) regis not(aire)
royal de verlhac / ysaac solier praticien de vill(emur) francois

.....
lvii.

pradines / jean malirat / jacques cominal praticiens / leonard
fontanie compaignon chandellier / habitans de th(ou)l(ouse) jofre romanhac
aussy praticien habitant de verlhac tesmoins recogneus
par led(it) s(ieu)r testateur soubzsignes avec led(it) s(ieu)r testateur
et de moy guill(aume) pendaries not(aire) royal de vill(emur) treuve sur
le lieu requis soubzsigne

H. DE SERS Regis, p(rese)nt Fontaynier

Solier, p(rese)nt Malirat, present

 Cominal Pradines, p(rese)nt

L. Romagnac, p(rese)nt

 Pendaries, not(aire)